

Kaji ketulenan artifak

Jabatan Muzium Malaysia hantar pasukan pengkaji ke Goa

Oleh Syazwan Msar

mohdsyazwan@hmetro.com.my

Kuala Lumpur

J abatan Muzium Malaysia akan menghantar pasukan pengkaji untuk menilai dan mengkaji ketulenan dan nilai sejarah artifak dipercayai milik Kesultanan Melaka di Goa, India, sebelum membawa pulang.

Ketua Pengarah Jabatan Muzium Malaysia, Kamarul Baharin A Kasim berkata kajian secara terperinci perlu dilakukan bagi memastikan kesahihan artifak yang sudah berusia lebih 600 tahun itu bagi mengelak timbul kekeliruan.

Beliau berkata, usaha yang dilakukan Pasukan Pengkaji Sejarah Universiti Putra Malaysia (UPM) itu dapat merungkai lebih banyak fakta dan monumen bersejarah yang masih terdapat di luar negara.

“Banyak faktor yang perlu dipertimbangkan sebelum membawa pulang setiap artifak milik kerajaan iaitu kesahihannya, kajian mengenai

nai fakta yang mengaitkan sejarah dan artifak itu serta kepentingannya sekiranya kita membawa pulang.

“Selain itu, untuk membawa pulang artifak itu memerlukan kerjasama dua hala dan jika memerlukan kos yang tinggi kemungkinan memerlukan dana untuk membawanya pulang,” katanya, ketika dihubungi, di sini, semalam.

Kamarul mengulas mengenai laporan Harian Metro mengenai Ekspedisi Menjelaki Hang Tuah, di Goa, India, yang menemui pelbagai artifak dipercayai milik zaman Kesultanan Hang Tuah.

Barangan bersejarah itu hanya dibiarkan tanpa penjagaan di lokasi bersejarah di Goa yang dibawa oleh pihak Portugis selepas menawan Melaka.

Menurutnya, pihak muzium tidak boleh sewenang-wenang membawa pulang artifak yang terdapat di negara lain walaupun ia ada berkaitan dengan sejarah Tanah Melayu sebelum ini.

“Kita akui sememangnya terdapat artifak dan manus-krip di negara lain yang dahulu adalah milik kerajaan namun perkara itu memerlukan banyak prosedur untuk membawa pulang,” katanya.



“Banyak faktor yang perlu dipertimbangkan sebelum membawa pulang setiap artifak milik kerajaan iaitu kesahihannya, kajian mengenai fakta yang mengaitkan sejarah dan artifak itu serta kepentingannya sekiranya kita membawa pulang”

Kamarul Baharin A Kasim

yes
www.yes.my
Promosi Hebat
11GB
RM 88
Diterajui oleh YTL